

2 YOANE

Pepa Yoane ñgere muli panzi kalo-tawana tamâta

Yesu ne pâri tamâta Yoane ñgere ñgua panzi kalo-tawana tamâta ñgu (1Yoane), aku zo pinde ilâ lâ, ñineña ñgere ñgua ñine ñana ile-leanzi pananâña tamâta lañeña pinde simo ñgu ñgininzi. Tiambo ñgere ñgua ñine ilâ pa taine tonje tâku isia ñgua nâ ku ñgere pa ñgu tonje tâ (1,4,5); ñine kinda tasama tia. Yoane ne ñgua ñalae nde mine; kinda ma tapakatona sondo ñananzi tamâta ñinde situla ñgua lañeña ñana Yesu Kirisi kâ, ku ma tapaveta kuku ñgua mao ñinde Yesu muña ipanananzi tamâta.

¹ Naña amo kalo-tawana tamâta ñgu nenzi katonâña. Naña angere ñgua lâ pepa ñine tini imâ pa noko taine ñalae tavanzi noko natu wukale. Maro Kindeni muñgani ipateami tu ma kamo i ne ñgu sondo. Naña aporo ñgua mao nâ mine tu naña ilongu ndo keno pami. Andeta naña simbongu nâ ilongu keno mine, ande tia. Kinzi tamâta rârâni kala uru sipaveta kuku ñgua mao, kinzi ñinde kala ilonzi ndo keno pami. ² Ñgua mao ñinde uru imo ku kinda, ma imo mine ku imo nâ. Mine nde maka iloma ndo keno pami. ³ Kinda uru tapaveta kuku ñgua mao, aku uru tininda mwasa panzi tininda pinde tona. Mine kala Tamânda Maro Kindeni anga Yesu Kirisi, ina Tamânda Natu, kinzi rua nenzi

wisi-wisi wa kalo-sukâŋa wa wisi-pisi wa imo ku kinda.

Ara ŋana kinda ma tapono muli pa tini-mwasa ne vetâŋa

⁴ Naŋa aloŋo noko natu pinde parinanzi tu kinzi uru sipono muli pa ŋgua mao, ikura kinda Tamânda muŋga iporo pa kinda tu ma taveta mine. Aku naŋa ilonŋu ndeka ndo ŋana ŋinde kâ. ⁵ Aku taine ŋalae, kala ŋine naŋa ano pano tu ma kupaveta kuku ŋgua tukuŋa ŋine; kinda rârâni taitu-taitu ma tininda mwasa ndo panzi tininda pinde. Naŋa aŋgere ŋgua tukuŋa wasaseki tonŋe imâ pano, ande tia. Muŋgani, lâ nia ndoyo, kinda takai ŋgua tukuŋa ŋinde lâ. ⁶ Ambo tini-mwasa ne vetâŋa ŋinde ma ikeno kaika pa kinda, ande kinda ma tapono muli pa Maro Kindeni ne tukuŋa rârâni. Nia ndoyo, aku imâ lee ipâŋga lâ zo ŋine, ande miki kaloŋo i ne tukuŋa ndainani nâ tu kinda ma tininda mwasa ndo panzi tininda pinde.

Kinzi laŋeŋa tamâta nenzi mâsi kilala

⁷ Kinzi laŋeŋa tamwatanzi rârâ nde silâ sikura nia ndoni lâ tâno kulu, aku sitogo tu silaŋe kinda. Kinzi nenzi kalo-tawana nde ikeno mine; “Yesu Kirisi nde koroani nâ, i ŋandai tamâta mao ŋga.” Kinzi tamâta mine nde laŋeŋa tamwatanzi, aku simo Yesu Kirisi ne kazâŋa tamâta. ⁸ Mine nde miki kapakatona sondo ŋga. Tia ma wurâta ŋinde miki uru kamakâsa ŋana kaveta kâ, ande ma kanaŋo tia. Ambo miki ma kamandi kaika, ande muli Maro Kindeni ma kulu ŋalae ilami, ipakura kuku nemi wurâta

ņinde. ⁹ Ambo tamâta tonĝe ņandai ipaveta sonĝo kuku Yesu Kirisi ne ņgua, aku isoņĝa ilâ wa imâ wa ņana ikai ņgua pinde kâ, ande Maro Kindeni ipaipa kuku tamâta ņinde, ande tia. Anĝa tamâta ea kinzi uru sipaveta sonĝo kuku Yesu Kirisi kawa ņgua, ande kinda Tamânda ku Natu rua sipaipa kunzi tamâta ņinde. ¹⁰ Ambo tamâta tonĝe ma imâ pami ku ipananami ņana ņgua pinde kâ, andeta ņgua ņinde ikeno piti lâ Yesu Kirisi kawa ņgua ņinde, ande miki ma kawami “kari ara” pa tamâta ņinde wa kakai imâ imo kumi lâ nemi luma ilo, mine ndimo. ¹¹ Tamâta ea kawa “kari ara” pa tamâta mine, ande ņinde itogo ivila i ņana ne wurâta sakamao ņinde kâ.

Katonâņa ilo ndo tu ma imoranzi

¹² Naņa ilonĝu tu anĝere ņgua rârâ imâ pami, andeta naņa tiningu pwâka tu ao ņgua ņinde lâ pepa tini. Naņa ilonĝu tu naņa warakâņĝu ma amâ amora miki. Ninenĝa kinda ma takura tu taporo wa tapaloņo wa, aku nenda ndekâņa ma ipâņĝa ņalae ndo. ¹³ Maro Kindeni muņĝani ipatea noko tua taine pa i tamwata. Aku noko tua ņinde natu wukale kawanzi kari ara pano.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de